

Broj: 05-37-3661/20
Sarajevo, 21.12.2020. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 2. stav (3) Pravilnika o ostvarivanju prava na jednokratnu novčanu pomoć za plaćanje troškova liječenja demobiliziranih branilaca i članova njihovih porodica („Službene novine Federacije BiH“, broj 18/20), i Rješenja Vlade Federacije BiH o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebu pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, br. 54/20 i 62/20), Federalno ministarstvo za pitanja boraca i invalida odbrambeno-oslobodilačkog rata donosi:

ODLUKU

o umanjenju iznosa novčane pomoći za plaćanje troškova liječenja demobiliziranih branilaca i članova njihovih porodica po Zakonu o pravima demobiliziranih branilaca i članova njihovih porodica

I

Iznosi jednokratnih novčanih pomoći utvrđeni članom 8. i 9. Pravilnika o ostvarivanju prava na jednokratnu novčanu pomoć za plaćanje troškova liječenja demobiliziranih branilaca i članova njihovih porodica („Službene novine Federacije BiH“, broj 18/20), (u daljem tekstu: Pravilnik), se umanjuju radi nedostatnosti novčanih sredstava odobrenih Budžetom Federacije Bosne i Hercegovine za 2020. godinu u odnosu na ukupan broj preostalih zaprimljenih zahtjeva za lica koja ispunjavaju uslove utvrđene Pravilnikom, kako slijedi:

- visina jednokratne novčane pomoći za liječenje u Bosni i Hercegovini se smanjuje na iznos od 50% od iznosa od 50% prosječne netto plate isplaćene u Federaciji Bosne i Hercegovine u prethodnoj godini prema posljednim podacima Federalnog zavoda za statistiku, odnosno na iznos od 232,00 KM (dvijestotinetrdesetdvije konvertibilne marke).
- visina jednokratne novčane pomoći za pomoć za liječenje teških oboljenja u inostranstvu se smanjuje na iznos od 1000,00 KM (jednahiljada konvertibilnih maraka).

II

Za realizaciju ove odluke zadužuju se Sektor za upravno rješavanje, praćenje rada ljekarskih komisija i pomoć u liječenju i Sektor za finansije i ekonomske poslove.

III

Ova odluka stupa na snagu danom donošenja i objavit će se na službenoj web stranici Ministarstva www.fmbi.gov.ba.

Образложење:

Visina jednokratnih novčanih pomoći za liječenje demobiliziranih branilaca i članova njihovih porodica shodno Zakonu o pravima demobiliziranih branilaca i članova njihovih porodica („Službene novine Federacije BiH“, broj 54/19), utvrđene su članom 8. i 9. Pravilnika o ostvarivanju prava na jednokratnu novčanu pomoć za plaćanje troškova liječenja demobiliziranih branilaca i članova njihovih porodica („Službene novine Federacije BiH“, broj 18/20, (u daljem tekstu: Pravilnik).

Istovremeno je članom 2. st. (3) istog Pravilnika utvrđeno da federalni ministar može u slučaju kada odobrena budžetska sredstva za tekuću godinu nisu dostatna za rješavanje svih

podnesenih zahtjeva za odobravanje jednokratne novčane pomoći u liječenju za tu budžetsku godinu, posebnom odlukom umanjiti iznose jednokratnih pomoći utvrđenih članom 8. i 9. Pravilnika uz procentualno smanjenje iznosa novčane pomoći do 50%.

S tim u vezi, kako na dan donošenja ove Odluke preostali iznos budžetskih sredstava za ovu namjenu nije dostatan za rješavanje svih podnesenih zahtjeva za lica koja ispunjavaju uslove za ostarivanje ovog prava, donesena je odluka kao u dispozitivu.

**Po ovlaštenju Vlade Federacije BiH
POMOĆNIK MINISTRA**



Mirza Terzo

Dostavljeno:

1. Sektor za upravno rješavanje, praćenje rada ljekarskih komisija i pomoć u liječenju
2. Sektor za finansije i ekonomske poslove
3. a/a